

安徽府縣志輯

中國地方志集成

乾隆太平府志

中國地方志集成

安徽府縣志輯 ③⑦

乾隆太平府志



江蘇古籍出版社 ● 上海書店 ● 巴蜀書社

責任編輯 王華寶
封面設計 范一辛
美術編輯 姜嵩

中國地方志集成

安徽府縣志輯③⑦

出版發行 江蘇古籍出版社

社址：南京市中央路一六五號

發行部電話：〇二五—二二三三—四六一

郵編：二一〇〇〇九

印刷 上海市印刷七廠

定價 三〇二元

1998年4月第1版第1次印刷

ISBN 7—80519—994—9/K·473

重脩太平府志序

昔周職方之記太史氏之陳聚天下之井邑田廬山川林藪土俗人情風謠物異瑣悉類次登之王朝別其政事之能否以揆於風教之大同而列國亦具有官以脩其職若南史董狐倚相

太平府志

正序

一

之屬莫不抽識繹聞各垂其記載之所及為掌故藏即世遠事邇其皆可得而傳者志脩焉而已矣志信焉而已矣我

國家重熙累洽八表同風車書之臨暨於無遐大一統之成書比於職方之所記而加詳各省郡

邑之相承則又較諸列國之史體異而厥旨實同故凡善志者述而不作善叙說者實而不華所予無溢辭臨文有據依而考事無供失也太平之在江左自漢為丹陽於晉為姑孰稱名最古顧其屏金陵而翼廬皖江山

太平府志

正序

二

之瀕險郡縣之雋置兵戎之移徙事蹟嘗為俗雅獨士林之流播則未有如陳留會稽先賢耆舊之撰述為志乘之先聲至宋南渡時轉運副使劉子澄始為圖經郡之名勝以彰厥後人文聿起多材之產有不賦而金竹

箭盛於東南都會者於後知著
英疊出之機造物雖不終新而
秀靈鍾厚之積氣候必有所自
開端之見者著乎迹故之存者
系乎文將以待於善志善叙說
之為後甚重矣郡志自康熙癸
丑後歷八十餘載太守朱君蓉

豁聲基懼有闕遺謂不可當吾
任而再出延以續脩多來詠爰
假粵西舊游當湖漢鄉陸君倫
為之泰訂開局謀始自丙子閏
九月下泮迄丁丑七月斷手藁
具而以問序於余之閱其凡例
一歸雅正綱舉目隨本末燦然

殆肇昔人所為太繁太簡其固
已斟酌裁審一卒乎見之聞之
之實褒美獎善用扶乎人心興
好之公激者之有以顯也幽者
之有以開也且導揚乎令甲之
垂風教之樹輜軒盛治之隆居
於外史氏之遺志脩志信之兼

有其長文獻為列郡最難推
良吏之素心并將藉手為後之
之有師美蹟之弗忘而有遵塗
之合轍更新之必力而有改位
之善調相成之莫逆而有簞澤
之交資頃之久而會以達太守
之於是志更有一舉而數物脩

焉者矣余以樂爲之序悉數其
源委以復於太守俾刊諸策爲
茲邦之人士諗後之興起庶其
無斁於此意也夫

乾隆丁丑桂月安徽觀察使者
關中王勅題



太平府志

王序

五

重修太平府志序

志猶之史也蓋史者天地
之淵府運數之勾股德才
之數澤否泰之著龜古今
之所重取法者也而志者
疆域人民兵農禮樂纖悉
備具論而列之所以興釐

太平府志

朱序

一

所以調劑前人所以作述
後人所以憲章莫不繫屬
是又一方之典則也况乎
郡志云者上承省志之藩
維下括縣志之樞軸分者
合焉煩者簡焉大書特書
且不一書俾蒞茲土者鏡

古準今有所矜式斯亦其
為政之大端也欽願太平
一志自修輯後歷今雖舊
版尚存而字跡模糊動多
殘缺中間歲月日陳物墊
之殷庶更置之多端我
朝紀綱之脩明大法宏規章

章世宇若不為之徵紀而
纂述則往者何聞來者何
藉余還念蒞任以來朝夜
勤懇冀以新之有年而竊
有俟也迨蕪湖志之續修
屬余友漁鄉陸君為之考
定會將踵事郡志而歲甲

戌以奉

詔入都門遂不果及歸任未幾
復檄赴江寧荏苒公務者
二年丙子初夏聞漁鄉重
詣蕪江乃先走尺一相訂
於閏九之杪迨至姑孰擇
日開局簡集首事創立條

規次第略舉然余仍往來
工所不及留心綜核泊丁
丑清和始獲與漁鄉暇則
商確編纂間事其首之以
地里誌始也誌本也次之
以建置立經緯而權體制
也祀典則曰乎建置者也

田賦物產古蹟則緣乎地
里者也職官選舉名宦人
物則本乎地而各有章者
也儼事藝文則比乎類而
各有屬者也為書凡四十
四卷考同訂異綱舉目張
志也即史也夫余非徒以

文飾吏治為也核名實者
在乎志而公議昭焉考故
事者存乎志而損益麗焉
由是覽山川城郭之險隘
則樂土可安矣定賦稅均
輸之規則維正可永矣
凜灾祥旱潦之迭更則天

時可鑒矣甄農桑耕鑿之
勤惰則地利可長矣謹庠
序詩書之所以教則文風
倫叙可振而飭營壘戎器
之所以制則武備軍容又
可彰矣詳秩官制科之所
以經則服采書升可勸而

辨土貨殖產之所以出則
撙節愛養又可準矣經其
俗制其流敷其民順其政
良有司之風徽畢萃于此
矣此以克輔

聖天子大一統之模綏猷錫福
之盛亦奚僅哉一者挾培

樓之細小以仰測泰岱之
峻極乎哉爰書數言而弁
其首

乾隆二十三年歲在戊寅
夏五月

內廷纂修中憲大夫知太平府
事加五級紀錄十三次記

太平府志

朱序

六

功一次東吳朱肇基撰



太平府志原序

正德丙子歲前守周侯伯承重修郡志鑒簡執筆焉迄
今十有五年矣缺者當增後者當續訛者當正略者當
詳凡者當剔不無有俟於後之君子也乃今侯西泉林
公與鑒有同年之雅間嘗語及志事欲修而未果居無
何九峰山人鄒子至遂設館於萬壽寺之東明軒敦禮
授簡於九峰焉九峰不得辭廼殫心力窮晝夜稽載籍
咨耆舊詢草野既罔不周矣乃酌古定例提綱彙目具
草以質於西泉公公曰善請終圖之越三月而書成鑒
閱之再則缺者增矣後者續矣訛者正矣略者詳矣凡
者剔矣美而不溢華而不浮質而不俚有古良史之風

太平府志

祝序

一

焉粵惟往年鑒修志時值王程方亟草率就編或矯前
之非而太過或執已之見而未審至今思之不覺顏汗
幸賴西泉公之功及九峰子之力獲成新志用雪舊愆
幸莫大矣或曰是編也視舊體裁去取若相抵牾子之
心無乃未安乎鑒喟然歎曰天下之事所以不克同心
協一俾底於有成者各用其私焉耳矧夫志史也史公
天下之書也天下以爲是吾從而是之天下以爲非吾
從而非之吾惟求其當而已焉知夫出於已出於人也
推是心也可以理天下事矣奚啻志哉或者無以應而
退遂漫書以爲新志序

嘉靖十九年九月前進士廣西布政司叅政郡人祝鑒序

太平府志原序

郡有志制也志太平者舊矣莫得而究其始也弘治丁巳一修於憲副鍾君城衍爲二十卷正德丙子再修于膳部鳴和祝君鑾約爲十卷歷十有三年爲嘉靖戊子西泉林侯鉞來守茲郡明年鳴和致大叅政以歸二公有同年之雅議續前志然未果也越五年予訪鳴和于太平鳴和曰子知志所以修乎予應之曰夫郡古國也志古史也紀往微來有監之道焉監善而知勸監惡而知懲有訓之道焉仲尼歎杞宋之無徵而悉意於春秋良有以也是故志輿地以昭封志宮室以昭居志職官以昭治志學校以昭教志武備以昭威志祠祀以昭報

太平府志

鄒序

一

六事備而生物遂焉于是乎志食貨矣養既足而民日庶焉于是乎志人物矣性近習遠而德藝有等倫才同時異而選舉有高下此紀載者所當備也若夫因封以思守因居以思奠因治以思隆因教以思威威思振祭思誠養思充賦思均習思變遷思公此有司者所當盡也是故志貴詳詳而不節其失也浮事貴覈覈而不情其失也誕胡然而監胡然而訓耶此有司與紀載者均之有責焉耳矣誌可忽乎鳴和聞而喜曰善哉言也可以續吾志矣吾子其圖之乃言於林侯林侯復以爲善交贊力委義不容辭而勉從事是舉也主之者林侯輔之者二守向公正三守李公從龍推府黃公仕隆而張

君一厚招君宗廣曹君贊乃令邑而共命者也詎隱蹟

于耆黎究遺事於積牘察公是於閭閻而定論於鄉之大夫士悉取裁於鳴和衆善之集可謂詳而節覈而精矣雖然惕乾夙夜比類屬詞求無媿于大邦不得罪于良史璧也則又曷敢不殫厥心哉

嘉靖十年七月之吉九峰山人鄒璧書

太平府志

鄒序

二

太平府志原序

今天下車書大一統矣侯甸要荒隸版圖贊玉帛者萬國
烏可以無誌而誌未易備也誌外史也周禮外史掌四
方之志其義何居蓋謂郡邑者京師之藩籬也星羅繡
錯綿亘無窮而皆於畿甸有相維之義則志四方所以
翼天室也自古江左形勝甲宇內丹陽郡其上游也南
控楚疆北絡吳會山廻水抱厥土清剛故傑流蔚彥菁
華互鍾夙稱文物與區往予從銀臺出泰熙藩順道揚
舲攬牛渚噪磯天門荻浦之概停橈者久之輒慕青蓮
學士及靈澤夫人遺踪歎勝跡之叠出於東吳者趾相
接也恨不獲親駐其地而蒐訂焉及辛亥冬予以候補

太平府志

黃序

一

少叅改領姑孰案牘餘閒曾督邦人士索閱郡乘諸子
愕然曰郡志久湮一修於弘治丁巳憲副鍾城爲之再
修於正德丙子秩宗祝鑾爲之茲未經纂訂者百餘年
文獻無徵里人之咎也予應之曰風之邈人玩之運會
爲之化之盛人作之志氣爲之太郡領縣三自宋迄今
首當塗而蕪湖而繁昌次之數百年涵育休養於
今爲盛若網羅放失俾予得藉手而

廷獻焉詎不美哉方聚族而謀虞讓築舍忽奉

今上皇帝俞輔臣一統全誌之請憲檄登至竊幸繼茲而
往集思廣益借是可以覩士習驗國風矣獨念事以時
更人因俗易舊籍榛蕪已久而欲取百餘年未續之編

增華補漏不其難乎爰分訂僚屬及紳衿諸子夙夜祇
圖遐搜近取不敢因陋就簡以逸所傳也故綜其大略
環郡之名山巨澤關梁爲一書堂廡祠廟爲一書鄉遂
邱甲爲一書辟召薦舉諸科爲一書災異彗弗崩隕之
屬爲一書忠孝節義以及詩歌詞賦記序之類爲一書
其事詳而核其旨微而彰環郡之掌故雖若指掌矣其
於古昔外史之職或有當乎外史成而彙之請裁於金
馬石渠之彥收而藏之以達於

天府此古秘書省掌典籍圖書之制也帙將登矣予益兢
兢加砮焉復與僚屬紳士約曰郡志者傳書也信史也
析疑請益必將曰爲可傳也爲可信也母索隱而逞僻

太平府志

黃序

二

母厭庸而嗜新毋飾美而濫譽毋嫉善而苛繩予與諸
子矢心質之以期仰副

聖天子博輯嚴收之至意庶幾可告無罪耳方今

世祖章皇帝實錄告成已與弘璧天球並陳世寶茲復取

邦志而彙集之乙夜之餘用塵

睿覽毋俟省方清問如登萬民而親之衽席焉豈非典郡

者述職之成書哉光昭圖史億萬斯年安得不拜手屬

言而樂爲之序 昔

皇清康熙歲次癸丑菊月之吉

叅議改補江南太平府知府加一級前通政司叅議外
轉貴州分守恩仁道布政司叅議三韓黃桂撰

太平府志

纂脩姓氏

總裁

太平府知府加五級

古吳朱華基鹿園甫

監脩

江防同知

漢陽邱鑑

督糧通判

晉陵張天澤

督糧通判

吳縣宋有元寄軒甫

提調

當塗縣知縣

北平秦廷堃復山甫

蕪湖縣知縣

北直劉贊

太平府志

姓氏

蕪湖縣知縣

忠州王恒

繁昌縣知縣

麻城彭奕明

繁昌縣知縣

滄州劉石麟

參訂

原任廣西梧州府知府

平湖陸綸涵鄉甫

分纂

太平府儒學教授

鎮洋朱錦如

當塗縣儒學教諭

山陽胡一鴻

蕪湖縣儒學教諭

銅山周毓崙

繁昌縣儒學教諭

徐州李執躬

太平府儒學訓導

常熟蕭漢一

當塗縣儒學教諭銜管訓導事吳江潘煩

校訂

當塗縣

舉

人

李鸞

歲

貢

生

葛遇時

歲

貢

生

王士慕

廩

生

胡珩

增

生

龍元焯

監

生

許儒

蕪湖縣

廩

生

韋天樹

太平府志

姓氏

增

生

朱衡

附

生

陶汝楫

貢

生

後崇高

繁昌縣

廩

生

張宗梓

原任福建福清縣丞

呂萬年

督梓

太平府經歷

北直王兆瑞

當塗縣典史

山陰鈕維錦

經理局務

當

塗

貢

生

葛世望

當塗貢生 崔萬烜
蕪湖貢生 王秉鉞

太平府志

姓氏

三

康熙十二年原修姓氏

總裁

叅議改補太平府知府三韓黃桂漢杜甫

監修

江防同知臨清劉沛引松舟甫

督糧通判臨潼李茂華賈實甫

提調

當塗縣知縣應城寇明允念劬甫

蕪湖縣知縣三韓馬汝驍天行甫

繁昌縣知縣三韓梁延年九如甫

編纂

太平府志

姓氏

四

太平府儒學教授高郵宋驥龍谿

原任江西贛州府知府蕪湖葛天驛影菴

原任江西上高縣知縣當塗張畢宿兆蘇

太平府儒學生員端肇震燧承

陳醇儒蔡宗

當塗縣儒學生員俞爾訓空同

繁昌縣儒學生員郝煜仲知

校訂

當塗縣儒學訓導廣陵史以徵靜菴

督梓

當塗縣縣丞紹興童欽詔鳳儀

康熙四十六年增修姓氏

總裁

太平府知府加三級高陽李敏迪循吉甫

編纂

江寧庠生曹守謙爲光

太平府志

姓氏

五

太平府志卷首

重修凡例

一志取該贍尤貴覈實故曰有信史之遺前志重修歷今八十餘載凡所藉以續增自不容不以三縣志爲據憑而體制有殊詳略各系唯公是非以章勸爲必不可軼之準繩而比事物以屬辭卽無不可自摘之杆軸第欲前後總歸畫一取義不相矛盾則于彙彙之意猶有未盡愜焉

一沿革先爲總攷原本舊文而序散以整次復爲表分系各縣間有小參已意雜採各史志以爲折衷者卽分行小註于下至編年隸統前志不無參差互見今竟從

太平府志

凡例

一

三國志體一以地所近轄爲則庶于事年相傳亦便稽覽易明

一志仿地里故當以經界爲先而本乎土物以測天行二十八宿躔度分野隨紀于十二州之次班史例也今志序次星野亦列疆域之後形勢附仍則爲統規全境再分三縣以合郡志之體其以詳異別歸僂事原仿省志條類又參宋貴與馬氏通攷象緯物異之兩標不嫌創設有更舊程

一山川前志以名勝所在精神面目寫照在字句間故千鍾景紀事敘述倍詳今志一仍其舊唯蕪湖川流總論既云附見當塗而繁昌移治已久所有諸山總論自

不應仍以舊縣準列參觀山川圖考旁及諸家說略要于府總大概縣析分名列次以符體例至夫風俗澆淳厚視上之教化相爲移易則今昔故有殊觀然既採摭無憑止徵故藉其書可勸可懲亦勉人自爲振勵耳詎敢溢美偏徇恒情

一今志以鄉社堤堰從乎地里關梁井渡從乎建置雖俱本人力非出自然而相因類次條縷故殊總以有關民用爲重不徒載其緣起已也至祀典于各壇廟

國朝禮制頒行所以昭禮報而祈農祐者明備周詳固宜悉爲謹記若僅土俗相沿典制之所業已載名舊志則凡續行修陞之舉亦當仍例補明如或舊所未載卽于

太平府志

凡例

二

志無庸再詳毋關神道設教之意有流淫祀僭賞之風外之寺觀附存古蹟義可類推

一田賦悉依週年賦役全書所有款額條項府總從簡縣分從備各爲稽載節目不致舛漏有合郡乘此直卽于司管鑰者一覽可查考覈已爾至如物產論說徒侈鉅制各書誠不無有過嫌繁瑣處若或但標名目則亦覺草略不足爲觀茲酌準前志并參審于當無二志間稍悉名物之疏藉知方療之須均于雅俗或庶幾矣

一職官因于沿革凡轄隸有分而事蹟乃無泛述今以世代統說列表于上郡員縣屬通表于次古今備晰俾知設官立制所從來故有原本無取但稽品秩崇卑厚

薄已也至各題名採據史傳間爲增補并稍訂正舛謬若南北朝僭偽悖逆諸人前志或削或書時有兩歧今則並闕不書顯昭法戒用以正名定分義例其有準乎名宦止仍舊載以志謹嚴

一選舉爲人物之先聲稍往徵今有須覈定編纂非僅末事也舊于科貢之下間有一行可稱節取附錄者原以不能概爲列傳而設繼乃相尚官階用飾觀美又且不審名義所安無分存沒所系累詞表暴有較本傳轉多者此其流失有甚矣今志率多從沿流之故冊第稍寓裁慎之寸心果真有以爲據已得其信者是者卽辭顯正其謬者略者如其所見尚居疑似之間則亦未

太平府志

凡例

三

敢忘猶史之意例爲附後姑存有考

一前志既先隸諸傳統爲人物上下而以孝義別標名目類有僭于方使仙釋雖稽史例未爲無準第史但云列傳此則冠以人物豈將以孝德義行爲有出人倫物望外耶今仿省志例析列名類自非三代之英原難合德全美診其性質所近行誼有未可泯沒者立傳垂遠取本善善欲長之義而歸甄儼之有倫故不敢謂寧刻毋濫自失公理之平亦不敢從任情暴美致違懿好之實名教攸關詎容苟焉凡所增補紀述有卽于各條下見之此不復書

一前志以隱逸大流寓後律以里貫之殊位置未免失

倫富塗志又謂王居巖有大節不宜居隱逸此更不可
爲定論矣夫以叩馬之諫采薇之饒清聖之大節何如
而夫子顧稱之曰逸民于荷蓀丈人則曰隱者後世史
家或卽稱逸民或並稱隱逸若富春彭澤高風何弗昭
耀千古哉且人于萬物得其秀而最靈今統曰人物就
其不樂仕進而卽以隱逸表厥聲稱求之華實兼美固
自有人甄次原無軒輊也特不容爲無所短長者假借
地耳觀者幸無嫌覲縷以明分例之立心

一丹陽之系于富塗于湖之系于蕪湖鵲尾之系于繁
昌原本各前志沿襲之勢重有難返然所見異詞所聞
異詞所傳聞異詞在古撰述已然則援一說以準厥依

太平府志

凡例

四

歸無或如議禮之紛文仍前史意差闕疑無二致也今
志增僊事一門參綜前志詳異戰功封爵各條因例類
附推廣載記跡雖同于摭拾事皆關乎六典固以紀
昭代仁愛之宜詳並以徵往古得失之有鏡凡以地以事
以人有見必書有書必備文減事增力固未逮搜稽少
藉闕漏亦未能免病也

一志有藝文法憲之垂道器德華之所萃而著焉者也
諸家編集類卽相承今特先記次序遞後諸體題詠各
種仍取記事以有益政教爲本而弔古抒懷在其末焉
顧姑孰多文淹雅張舉之三書具存蕭尺木兩藝兼絕
在昔登選繁重業有充棟之虞矧今歷紀又已七周益

復家富緣鄉人擅青萍結綠矣凡所收載事係續增郡
縣乘不必盡同闕遺處稍爲搜補博覽者自可綜及耳
若乃往詰寓公之別異雖拘墟于里藉諒無哂于時賢

太平府志

凡例

五

太平府志總目

卷一

輿圖

卷二

地里志 沿革 疆域 形勢附 星野

卷三

地里志 山川

卷四

地里志 鄉社 升平壇壝 市鎮合黃

卷五

地里志 風俗

太平府志

總目

卷六

建置志 城池 武備 關津 橋梁 井臺附

卷七

建置志 公署 街巷 牌坊附

卷八

建置志 學校 書院 義社學附

卷九

祀典志 壇廟 各祠祀附

卷十

田賦志 上 帶 富邑

卷十一

田賦志 下 蕪繁二邑 建陽衛

卷十二

物產志 間產方製附

卷十三

古蹟志 上 宅墓附

卷十四

古蹟志 下 寺觀附 古樹 古碑並附

卷十五

職官志 漢迄隋唐

卷十六

職官志 宋元

太平府志

總目

卷十七

職官志 明上

卷十八

職官志 明下

卷十九

職官志 國朝

卷二十

選舉志 唐宋元明 薦舉附

卷二十一

選舉志 國朝 薦舉附 武科 例貢 緣貢

卷二十二